

**CONVENIO DE COLABORACIÓN ENTRE A DEPUTACIÓN DE PONTEVEDRA E A REAL
FEDERACIÓN GALEGA DE FÚTBOL PARA A ORGANIZACIÓN E REALIZACIÓN DA COPA
DEPUTACIÓN DE PONTEVEDRA 2025**

En Pontevedra

REUNIDOS

Luis López Diéguez, Presidente da Deputación de Pontevedra actuando en virtude das competencias que lle atribúe o artigo 34.1.b) da Lei 7/85, do 2 de abril, Reguladora das Bases do Réxime Local.

Pablo Prieto Perille, Presidente da Real Federación Galega de Fútbol, na súa representación e no exercicio das facultades atribuídas ao efecto polos seus estatutos federativos.

Dando fe do acto, Don Carlos Cuadrado Romy, secretario xeral da Deputación de Pontevedra.

Ambas as partes recoñécense con capacidade para formalizar este convenio e, en base aos principios de colaboración, cooperación, coordinación e eficacia que deben presidir as actuacións das administracións públicas,

EXPOÑEN

Primeiro. Que os convenios son acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común, tal e como establece o artigo 47 da Lei 40/2015, do 1 de outubro, de réxime xurídico do sector público.

Segundo. Que de acordo coa Lei 7/1985, de 2 de abril, Reguladora das Bases do Réxime Local, que dispón no seu artigo 36.d) que as competencias propias das Deputacións serán as de cooperación no fomento do desenvolvemento económico e social e de planificación no territorio



provincial, de acordo coas competencias das demais Administracións Públicas neste ámbito, así mesmo o artigo 109 letra d) da Lei 5/1997 de 22 de xullo de Administración local de Galicia, establece que serán competencias propias das Deputacións provinciais as que baixo este concepto lles atribúan as leis e en calquera caso, entre outras o fomento e a administración dos intereses peculiares da provincia.

Terceiro. Que entre os obxectivos que inclúe a Lei 3/2012, do 2 de abril, do Deporte de Galicia (Lei do Deporte de Galicia), no seu artigo 7, as deputacións provinciais, nos termos que dispón esta lei, a lexislación de réxime local e a lexislación sectorial do Estado, exercerán no seu correspondente ámbito territorial as seguintes competencias:

- Fomentar, promover e difundir o deporte.
- Colaborar cos municipios para garantir a prestación integral e adecuada de actividades deportivas e impulsar a xestión mancomunada destas.
- Calquera outra actuación que vaia en beneficio do desenvolvemento deportivo local, comarcal ou provincial.

Cuarto. Que entre as funcións das federacións, a lei do Deporte de Galicia no seu artigo 56 encoméndalle a organización das competicións oficiais autonómicas ás federacións, así como, colaborar coas administracións públicas na promoción das respectivas modalidades.

Quinto. Que o deporte eríxese hoxe en día tanto como unha actividade enormemente enriquecedora e xeradora de benestar persoal, como un importante instrumento de cohesión social, un eficaz vehículo para a transmisión de valores e un sólido elemento de impulso económico, consolidándose durante a crise sanitaria como unha actividade esencial para os españois.

Sexto. Que a Deputación de Pontevedra e a Real Federación Galega de Fútbol queren coa Copa Deputación de Pontevedra masculina e feminina reforzar esta competición dándolle un carácter oficial que fai que os clubs e os propios deportistas estean protexidos por unha normativa e unha oficialidade necesaria para a continuidade da mesma.



Sétimo. Que ambas entidades acordan colaborar para garantir a continuidade desde evento, asumindo a Federación a organización e dirección dos aspectos técnicos e deportivos, en coordinación coa Deputación de Pontevedra da “Copa Deputación de Pontevedra”.

Oitavo. Deste xeito, e sendo de interese para as partes que a Copa Deputación de Pontevedra siga levándose a cabo, fomentando o deporte e a modalidade de fútbol na provincia de Pontevedra,

ACORDAN

Formalizar o convenio de colaboración entre a Deputación de Pontevedra e a Real Federación Galega de Fútbol para a organización e realización da Copa Deputación de Pontevedra feminina e masculina 2025 (en diante aparecerá denominado como “convenio”) con suxeición ás seguintes:

CLÁUSULAS

Primeira. Obxecto do convenio

O obxecto deste convenio é establecer e regular a colaboración entre a Deputación de Pontevedra e a Real Federación Galega de Fútbol para a organización e a realización da Copa Deputación feminina e masculina de Pontevedra 2025.

Segunda. Equipos participantes

Teñen o dereito a participar nesta competición masculina os equipos da Provincia de Pontevedra, adscritos ás Delegacións de Pontevedra, Santiago e Vigo, inscritos nas distintas divisións da categoría afeccionados de ámbito autonómico que non teñan a condición de dependentes ou filiais de participar o equipo principal ou patrocinador.

Teñen o dereito a participar na competición feminina os equipos da Provincia de Pontevedra, adscritos ás Delegacións de Pontevedra, Santiago e Vigo, inscritos nas distintas divisións da categoría sénior feminino de ámbito autonómico que non teñan a condición de dependentes ou filiais de participar o equipo principal ou patrocinador.



As entidades solicitantes deberán declarar, xunto coa solicitude, que se atopan ao corrente no cumprimento das súas obrigacións tributarias coa Axencia Estatal de Administración Tributaria (AEAT), coa Facenda Galega, coa Tesourería Xeral da Seguridade Social e coa Deputación de Pontevedra.

Terceira. Obrigas da Deputación de Pontevedra

O organismo provincial comprométese a:

- Participar na organización do evento no que atinxe á determinación conxunta ca Federación dos requisitos de participación, calendario, probas deportivas e determinación dos premios.
- Abonar os premios a cada un dos clubs participantes en relación ás rondas gañadas na Copa Deputación de Pontevedra, estes premios estableceranse de acordo ao Anexo I, no que se detalla o importe para cada club segundo a posición acadada na copa.
- Sufragar os gastos asociados ás arbitraxes das finais masculina e feminina da Copa Deputación de Pontevedra, cun importe de 241,00 € por partido, o que ascende a un total de 482,00 €. Devandito importe abonarase mediante factura á Federación Galega de Fútbol."

Cuarta. Obrigas da Federación

A Real Federación Galega de Fútbol comprométese a:

- Organizar e coordinar todos os aspectos regulamentarios e de participación da Copa Deputación de Pontevedra, como poden ser a inscrición dos clubs, o sorteo, o calendario e a designación de sedes e arbitraxes.
- Fomentar e facilitar a participación dos club de fútbol da provincia de Pontevedra na Copa Deputación de Pontevedra.
- Abonar as cantidades aos equipos participantes en concepto de participación, definidas na cláusula quinta do convenio.
- Responsabilizarse de calquera incidencia que poda xurdir na participación dos clubs na Copa Deputación de Pontevedra.
- Cumprir cos requisitos que marca a lexislación vixente para os organizadores de competicións oficiais.



- Realizar a Copa Deputación de Pontevedra baixo os principios de igualdade, transparencia, respecto, xogo limpo e seguridade.
- Informar aos equipos participantes do convenio e os requisitos para poder solicitar os premios.
- Proporcionar un certificado federativo que indique a posición obtida por cada equipo e a fase na que foi eliminado. Este certificado poderá incluír de forma conxunta aos equipos eliminados nas distintas fases da competición.

Quinta. Financiamento da Deputación de Pontevedra

Os importes dos premios abonados pola Deputación de Pontevedra financiaranse con cargo á aplicación orzamentaria 25/340.3410.489.07, cun importe máximo de 120.000,00 €.

En todo caso, o importe total dos premios aos que se compromete a Deputación de Pontevedra coa firma deste convenio non poderá superar os 120.000,00 €. No caso de que se supere esa cantidade, os premios serán reducidos proporcionalmente.

O pagamento correspondente aos arbitraxes das finais feminina e masculina da Copa Deputación de Pontevedra realizarase coma un servizo propio da Deputación e financiaranse a través da aplicación orzamentaria 25/340.3410.489.09, por importe de 482,00€.

Sexta. Importe por participación

A Real Federación Galega de Fútbol aboará a cantidade de 50.000,00€, tanto para os clubs femininos, coma para os masculinos, en concepto de participación na Copa, sendo os importes os seguintes:

- Preferente: 400 euros
- Primeira Galicia: 400 euros.
- Segunda e Terceira Galicia: 250 euros.
- Primeira Feminina: 400 euros.
- Segunda e Terceira Feminina: 250 euros.

Sétima. Importe dos premios



A Deputación de Pontevedra aboará os premios, acordados entre a Real Federación Galega de Fútbol e a Deputación de Pontevedra para a presente edición da Copa Deputación, que se detallan no Anexo I do presente Convenio, onde se explica o sistema de asignación e os importes correspondentes.

Os importes dos premios para cada eliminatoria dentro de cada fase serán iguais para homes e mulleres.

Os premios ás entidades participantes, establecidos en función dos resultados nas distintas rondas, terán a natureza xurídica de subvención, conforme aos criterios establecidos na Lei 9/2007, de Subvencións de Galicia, e na Lei 38/2003, Xeral de Subvencións.

Oitava. Prazo e lugar de presentación de solicitudes

As entidades participantes terán como prazo máximo para solicitar o premio o 31 de maio. Os equipos que non presenten a solicitude dentro do prazo establecido quedarán excluídos da posibilidade de recibir o premio.

As solicitudes presentaranse obrigatoriamente por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>), de acordo co establecido no artigo 14.2 da LPACAP.

Para a presentación das solicitudes a Sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

Novena. Comprobación de datos

Para tramitar as solicitudes consultaránse automaticamente os datos incluídos nos documentos elaborados polas administracións públicas que se detallan a continuación:

- NIF das persoas xurídicas solicitantes.
- DNI ou NIE da persoa representante legal do club ou da entidade.



Para as entidades finalistas ao superar o premio o importe de 3.000 euros:

- Comprobación de estar ao corrente de pagamento coa Axencia Estatal de Administración Tributaria (AEAT), coa Facenda Galega, coa Tesourería Xeral da Seguridade Social e coa Deputación de Pontevedra.

No caso de que as entidades interesadas se opuxesen ás devanditas consultas, deberán indicalo no cadro correspondente habilitado no formulario de inicio e achegar os documentos correspondentes.

No suposto de imposibilidade material de obter o documento, o órgano competente poderá requirirille á persoa interesada a súa presentación ou, no seu defecto, a acreditación por outros medios dos requisitos aos que se refire o documento antes de formular a proposta de resolución.

Decima. Notificación electrónica

As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

Decima primeira. Procedemento e resolución

O procedemento para a concesión dos premios poderá realizarse por fases, en función de que a federación presente os certificados de resultados dunha ou varias fases, ou ao final da competición, co certificado final. Nos certificados, deberá indicarse a fase na que foi eliminado cada club para poder establecer e verificar o premio acadado, que se determinará conforme ao sistema de asignación establecido no Anexo I.

As propostas de resolución dos premios e o seu abono serán elevadas ao órgano competente para a súa aprobación e abono.

Décima segunda. Pago dos premios

O pago dos premios efectuarase mediante transferencia bancaria á conta sinalada pola entidade. Para este trámite, terase en conta a declaración de que se atopan ao corrente no cumprimento das súas obrigacións tributarias coa Axencia Estatal de Administración Tributaria



(AEAT), coa Facenda Galega, coa Tesourería Xeral da Seguridade Social e coa Deputación de Pontevedra, presentada no momento de solicitar o premio.

Décima terceira. Comisión de seguimento.

Para o seguimento do grao de execución do convenio e a resolucións de controversias que a súa interpretación poida motivar poderase crear unha comisión de seguimento, se non será o servizo xestor o encargado de seguir o cumprimento do convenio .

Décima segunda. Responsabilidades

A Real Federación Galega de Fútbol, exime de toda responsabilidade á Deputación de Pontevedra, en calquera circunstancia na que se poida incorrer na participación dos equipos e dos deportistas como consecuencia da realización da competición prevista no presente convenio, dada a oficialidade da competición.

Décima Terceira. Entrada en vigor e vixencia do convenio

A vixencia deste convenio entenderase dende o día seguinte da súa sinatura ata o 31 de xullo de 2025, unha vez finalizadas as obrigas das partes previstas no presente convenio. En calquera caso os efectos económicos do convenio estarán vixentes ata a formalización dos pagos dos importes correspondentes a os premios.

Décima cuarta. Extinción e efectos da resolución dos convenios

O presente acordo resolverase polas causas e cos efectos establecidos nos artigos 51 e 52 da Lei 40/2015. En particular resolverase polo incumprimento, total ou parcial, dalgunha das cláusulas que o regulan.

Décima quinta. Rexistro de convenios e remisión ao Consello de Contas

En aplicación da Resolución presidencial de aprobación da instrución para a tramitación dos convenios, no seu apartado 7 dispón que todos os convenios formalizados pola Deputación inscribíranse nun rexistro de convenios, dependente da Secretaría Xeral, accesible na plataforma de xestión de expedientes da Deputación.



Correspóndelle á Unidade Responsable de Transparencia darlle cumprimento aos requirimentos sobre publicidade activa de convenios de colaboración que establece o Regulamento de transparencia e acceso á información da Deputación de Pontevedra.

Correspóndelle á Intervención provincial, a partir dos datos do rexistro de convenios, a remisión electrónica dos importes dos premios acadados polas entidades ao Consello de Contas, de acordo co procedemento establecido na Resolución presidencial núm. 2017008767, de 3 de maio de 2017, e no artigo 53 da Lei 40/2015, de 1 de outubro, de réxime xurídico do sector público.

Décima sexta. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento baséase no cumprimento dunha tarefa en interese público ou no exercicio de poderes públicos segundo as normas de rango legal recollidas no apartado "Normativa aplicable", dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia e ao público xeral dada a publicación de actos prevista.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

Décima sétima. Réxime xurídico e lexislación aplicable

O presente Convenio ten natureza administrativa e rexerase polo disposto no Capítulo VI do Título Preliminar da Lei 40/2015, do 1 de outubro, de Réxime Xurídico do Sector Público.



Para resolver cantas dúbidas ou lagoas puidesen producirse na interpretación, execución, efectos, modificación e resolución do acordo, será de aplicación o disposto no propio acordo, e na súa falta, aplicarase a Lei 40/2015, do 1 de outubro, de Réxime Xurídico do Sector Público e o resto do ordenamento xurídico e a Lei 7/1985, do 2 de abril, Reguladora das Bases do Réxime Local.

Os premios ás entidades participantes terán natureza xurídica de subvención, polo que ademais da normativa referida, estarase ao disposto na Lei 9/2007, de Subvencións de Galicia, Lei 38/2003, Xeral de Subvencións e Ordenanza Xeral de Subvencións da Deputación de Pontevedra.

As partes comprométense a tentar resolver de maneira amigable calquera desacordo que puidese xurdir no desenvolvemento, interpretación, cumprimento, extinción e efectos do presente acordo. En caso de non ser posible unha solución amigable, e resultar procedente litixio xudicial, a xurisdición competente para coñecer e resolver devanditas cuestións será a xurisdición contencioso-administrativa, de conformidade coa Lei 29/1998, do 13 de xullo, reguladora da Xurisdición Contencioso-Administrativa.

En proba de conformidade asínase o presente convenio dixitalmente polas partes.



ANEXO I – PREMIOS

SISTEMA

Os premios da Copa Deputación asígnanse segundo o progreso dos equipos no torneo. Nas roldas iniciais, ofrécese un importe fixo tanto para os equipos que avancen como para os que queden eliminados. A medida que os equipos avanza na fase final, os premios aumentan progresivamente, cos maiores premios para os primeiros clasificados.

Este sistema busca premiar o rendemento dos equipos e asegurar a igualdade en todas as fases da competición. A Copa desenvólvese en dúas fases: a fase previa e a fase final.

FASE PREVIA

Os equipos que xoguen a fase previa percibirán o importe correspondente en función das rondas que xoguen. Os importes por ronda serán os seguintes:

Ronda previa	175,00€
Primeira ronda	250,00€

** Os clubs percibirán o mesmo importe por pasar que por quedar eliminados en calquera das dúas rondas.*

FASE FINAL

Os importes para cada ronda serán os seguintes:

Treintadosavos de final (1/32)		350,00 €
Dieciseisavos de final (1/16)		450,00€
Octavos de final (1/8)		550,00 €
Cuartos de final (1/4)		650,00 €
Semifinais	Non clasifica	800,00 €
	Clasifica	1.000,00 €
Final	2º clasificado	1.500,00 €
	1º clasificado	3.000,00 €

** Nas rondas de treintadosavos de final (1/32) ata cuartos de final (1/4) os clubs percibirán o mesmo importe tanto por avanzar como por quedar eliminados.*

